



An Oifig Náisiúnta um Fhorbairt Eacnamaíoch agus Shóisialta
National Economic & Social Development Office **NESDO**

Annual Report

For the year ended 31 December **2022**.



An Oifig Náisiúnta um Fhorbairt Eacnamaíoch agus Shóisialta
National Economic & Social Development Office **NESDO**

An Oifig Náisiúnta um Fhorbairt Eacnamaíoch agus Shóisialta
National Economic & Social Development Office **NESDO**



Tuarascáil Bhliantúil

Don bhliain dar chríoch an 31 Nollaig 2022

Clár

1	Ráiteas an Chathaoirligh	5
2	An Chomhairle Náisiúnta Eacnamaíoch agus Shóisialta	8
3	Polasaithe Cuntasaíochta NESDO	16
4	Aguisín 1: Comhaltas Bhord NESDO	19
5	Aguisín 2: Comhaltas Chomhairle NESC	19
6	Aguisín 3: Ráitis Airgeadais mar atá shínthe ag Bord NESDO	22

Caibidil 1

Ráiteas an Chathaoirligh

Ráiteas an Chathaoirligh

Bunaíodh an Oifig Náisiúnta um Fhorbairt Eacnamaíoch agus Shóisialta (NESDO) faoi Acht na hOifige Náisiúnta um Fhorbairt Eacnamaíochta agus Shóisialta, 2006.

Is foras corparáideach é NESDO de chuid na Comhairle Eacnamaíochta agus Sóisialta (NESC) a thugann comhairle don Taoiseach ar cheisteanna bheartas straitéiseach a bhaineann le forbairt eacnamaíochta, shóisialta agus chomhshaoil in Éirinn.

Cuireann NESDO seirbhísí iomlána riaracháin agus tacaíochta ar fáil do NESC agus cuireann tuairiscí, riachtanais agus conclúidí faoi bhráid an Rialtais ar thionscadail a dhéanann NESC agus socraíonn foilsiú na míreanna seo ina dhiaidh sin.

Leagtha amach i bPolasaithe agus Nósanna Imeachta NESDO tá socruithe rialachas corparáideach na hOifige, lena n-áirítear feidhmeanna agus freagrachtaí Bhord agus fhoireann NESDO. Comhlíonann na Treoirlínte an Cód Cleachtais chun Comhlachtaí Stáit a Rialú agus athbhreithnítear iad ar bhonn rialta. Tá mé sásta go gcomhlíonann NESDO na Treoirlínte.

Bhí ceithre chruinniú ag Coiste Iniúcháireachta NESDO in 2022: ar an 15 Márta, 21 Meitheamh, 20 Meán Fómhair agus 13 Nollaig. Ar an gcoiste bhí:

Nigel Clarke (Cathaoirleach), Roinn an Taoisigh

Edna Jordan, NESC

Cillian Doyle, Roinn an Taoisigh

Feidhmíonn Aonad Iniúcháireachta Inmheánach (IAU) Roinn an Taoisigh mar acmhainn do Bhord agus lucht bainistíochta an NESDO, ag deimhniú leordhóthanacht agus éifeachtacht chóras rialuithe inmheánacha an eagrais lena n-áirítear rialuithe airgeadais, oibríochta agus comhlíonta agus bainistiú riosca.

Leagtha amach i gcáipéis Nósanna Imeachta Rialuithe Airgeadais Inmheánacha NESDO tá gnáthaimh agus caighdeáin oibríochta chuntasaíochta lena n-áirítear iad sin a bhaineann le hairgead tirim, párolla, fáltais, íocaíochtaí, taisteal agus speansais, soláthar, sócmhainní seasta, slándáil theicneolaíocht na faisnéise, rialuithe buiséid agus bainistiú agus coinneáil taifead.

Le linn 2022, d'athbhreithnigh Coiste Iniúcháireachta NESDO an Clár Bainistithe Riosca agus an Clár Riosca TF, Seicliosta Éifeachtachta an Choiste Iniúcháireachta, na Ráitis Airgeadais (2021), an Chairt Iniúcháireachta Inmheánaí, an tAthbhreithniú Bliantúil ar Rialuithe Inmheánacha agus an Tuairisc Iniúcháireachta ar an Athbhreithniú ar Rialuithe Airgeadais. Níor thángthas ar aon cheist shuntasach. Dhearbhaigh an Coiste

Iníúcháireachta go rabhthas sásta le leordhóthanacht agus cuibhiúlacht an chórais rialuithe inmheánacha laistigh de NESDO.

Is é an duine céanna atá ina Phríomh-Oifigeach ar NESDO agus ina Stiúrthóir ar NESC, a fhaigheann íocaíocht as a phost mar Stiúrthóir ar NESC agus nach bhfaigheann aon luach saothair, díolaíocht ná speansais bhreise as a ról mar Phríomh-Oifigeach ar NESDO. Íoctar gach ball foirne de chuid NESDO agus NESC, an Príomh-Oifigeach san áireamh, de réir ciorcláin ábhartha pá a eisíonn an Roinn Caiteachais Phoiblí agus Athchóirithe. Tá mé sásta go gcomhlíonann NESDO na ciorcláin seo.

Tá NESDO tiomanta dá oibleagáidí a chomhlíonadh faoin Acht um Íoc Pras Cuntas, 1997. Cloíodh lena pholasaí gach sonrasc a íoc laistigh d'achair ama réamhshocraithe le linn na bliana agus rinneadh 94.93% d'íocaíochtaí faoi cheann 15 lá d'fháil an tsonrais. Ní raibh aon sonrasc faoi réir Ús Íocaíochtaí Pras in 2022.

Le linn na chéad ráithe de 2022, chloígh foireann NESDO go hiomlán leis na treoirlínte Náisiúnta Sláinte agus Sábháilteachta maidir le cianobair le linn Covid-19. Cuireadh prótacail dhiana i bhfeidhm chun aon ghníomhaíochtaí ar an láthair a bhainistiú a mheas an Ceann Gnóthaí Corparáideacha agus an Príomhoifigeach a bheith riachtanach.

Deimhním nach raibh aon imeachtaí suntasacha iar-chláir chomhardaithe ann le linn 2022.

John Callinan

Cathaoirleach

An Oifig Náisiúnta d'Fhorbairt Eacnamaíoch agus Shóisialta

Caibidil 2

An Chomhairle Náisiúnta

Eacnamaíoch agus Shóisialta

Clár Oibre NESC 2022

D'fhoilsigh NESC na tuarascálacha seo a leanas in 2022:

Oileán Comhroinnte: Tuarascáil Chuimsitheach Comhdheiseanna NESC (Tuarascáil NESC Uimh.157): Is í an tuarascáil seo an toradh ar thaighde ar an Oileán Comhroinnte a rinne NESC in 2021. Bhí níos mó ná 100 cruinniú i gceist leis seo le cleachtóirí, lucht déanta beartas, lucht acadúil agus saineolaithe ó raon éagsúil institiúidí ar fud an oileáin ar fad, obair mhionsonraithe san Iarthuaisceart lena n-áirítear ceithre ghrúpa fócais, comhairliúchán poiblí ar aeráid agus bithéagsúlacht, chomh maith le roinnt foilseachán NESC um Oileán Comhronnte ar an ngeilleagar, forbairt réigiúnach, poist mhaithe, an aeráid agus bithéagsúlacht, bochtaineacht agus meabhairshláinte. Bhí an obair mar chuid de Thionscnamh Oileáin Chomhroinnte an Rialtais tar éis do Roinn an Taoisigh iarraidh ar NESC tabhairt faoin taighde.

An Phaindéim Covid-19: Ceachtanna do Bheartas Poiblí na hÉireann (Tuarascáil NESC Uimh.158): Déantar athbhreithniú sa tuarascáil seo ar thaithí idirnáisiúnta ar éigeandálaí agus ar phaindéim Covid-19, breathnaítear ar shamplaí de fhreagairt na hÉireann ar an bpaindéim, agus saináithnítear cúig phríomhcheacht do bheartas poiblí na hÉireann: Leochaileacht, Líonraí na bPáirtithe Leasmhara, Fianaise Fíor-ama, an Domhan Beartais a Oiriúnú agus Cumarsáid agus Iontaoibh.

Oileán Comhroinnte: Tionscadail, Dul Chun Cinn & Beartas, Léargas Oileáin Chomhroinnte ar Mheabhairshláinte (Sraith Rúnaíocht NESC Uimh. 29): Mar chuid de thionscadal taighde an Oileáin Chomhroinnte, féachtar sa tuarascáil seo ó Rúnaíocht NESC ar chomhoibriú reatha agus ar chomhoibriú amach anseo maidir le meabhairshláinte ar oileán na hÉireann, ó Thuaidh agus ó Dheas.

I dtreo Torthaí Claochlaitheacha (Sraith Rúnaíocht NESC Uimh. 30): Breathnaítear sa taighde seo ar an gcaoi ar ionchorpraíodh creataí náisiúnta folláine i bpróiseas buiséadaithe agus i bpróiseas ceaptha beartas sa Nua-Shéalainn, in Albain agus sa Bhreatain Bheag. Breathnaítear ann freisin ar an gcur chuige a glacadh faoi Thorthaí Níos Fearr na hÉireann: Todhchaí Níos Gile — Creatlach an Bheartais Náisiúnta do Leanáí agus do Dhaoine Óga, 2014-2020 (BOBF).

Deis chun Cómhargáil agus an Córas Caidrimh Thionsclaíoch a Athbhreithniú agus a Athdhéanamh (Sraith Rúnaíocht NESC Uimh.31): D'ullmhaigh Rúnaíocht an NESC é seo chun tacú le pléití an Ghrúpa Ardleibhéil LEEF ar Chómhargáil a bunaíodh an 30 Márta 2021. Áitítear sé go bhfuil obair an Ghrúpa Ardleibhéil chun tús a chur le hathbhreithniú agus athdhéanamh a dhéanamh ar an gcuidreamh cómhargála agus tionsclaíoch mar phríomhionstraim bheartais chun tacú le geilleagar maith post, chun táirgiúlacht a fheabhsú agus chun cothroime a chur chun cinn laistigh den mhargadh saothair.

Reáchtáil NESC ceithre imeacht in 2022

Seimineár Gréasáin Comhpháirteach EEAC & NESC | Folláine: slat tomhais nua le haghaidh feidhmíocht agus leas eacnamaíoch (15 Feabhra): Dhírigh an seimineár gréasáin comhpháirteach EEAC-NESC ar an athrú idirnáisiúnta seo i dtreo cur chuige folláine i leith ceapadh beartas. Go sonrath, dhírigh an seimineár gréasáin ar a)

breisluach chur chuige na folláine, b) Ceannach isteach sa chur chuige na folláine, agus c) creat folláine agus na bacainní atá ann a chur chun feidhme.

Seoladh Hibrideach Athsceidealaithe Imeachta | Oileán Comhroinnte: Tuarascáil Chuimsitheach NESC maidir le Deiseanna Comhroinnte (12 Aibreán): Bhí an ócáid dírithe ar na príomhthorthaí sa tuarascáil maidir le beartas agus bonneagar eacnamaíoch, beartas sóisialta, an aeráid agus an bhithéagsúlacht, agus folláine an oileáin a phlé. Labhair an Taoiseach Micheál Martin T.D. ag an ócáid seo le plé a dhéanamh ar thorthaí thuarascáil NESC don Rialtas ar an Oileán Comhroinnte, agus rinne iar-iriseoir RTÉ, an tUasal Tommie Gorman, modhnóireacht ar na himeachtaí.

Oileán Comhroinnte: Deis Chomhroinnte - Corcaigh (7 Iúil) Mar chuid d'obair an NESC ar an Oileán Comhroinnte, reáchtáil NESC ócáid ar an láthair, i gcomhar le Roinn an Taoisigh agus a chomhóstáil Coláiste na hOllscoile Corcaigh, san Aula Maxima, Coláiste na hOllscoile Corcaigh, Déardaoin an 7 Iúil ó 10.00am go 12.45pm.

Oileán Comhroinnte: Deis Chomhroinnte - Doire (7 Deireadh Fómhair) Mar chuid den obair a rinne NESC ar an Oileán Comhroinnte, rinneadh mionscrúdú ar chomhar trasteorann agus uile-oileáin san Iarthuaisceart. Ag an ócáid seo, rinneadh plé ar thorthaí Thuarascáil Chuimsitheach NESC agus seoladh tuarascáil dar teideal Deiseanna Comhroinnte san Iarthuaisceart a Fhiosrú, bunaithe ar ghrúpaí fócais a bhí ar siúl i Meán Fómhair/Deireadh Fómhair 2021, faoi stiúir Caitriona Mullan.

Cruinnithe Idirnáisiúnta de Chomhairlí Eacnamaíochta agus Sóisialta (ESC) Bhallstáit an Aontais Eorpaigh

Ghlac NESC páirt i gcruinniú bliantúil Chomhairlí Eacnamaíochta agus Sóisialta bhallstáit an Aontais Eorpaigh agus Choiste Eacnamaíochta agus Sóisialta na hEorpa (EESC). In 2022, d'óstáil CES na Rómáine an cruinniú i mBúcairist, an 9 agus an 10 Samhain, d'fhreastail NESC go fíorúil. Chomh maith le faisnéis a roinnt maidir le hobair na gcomhairlí agus staid an idirphlé shóisialta agus sibhialta i ngach ceann de na Ballstáit, pléadh ag an gcruinniú *'Dúshlán gheopholaitiúla a iompú ina scéal ratha de chuid an Aontais Eorpaigh: rannchuidiú na sochaí sibhialta eagraithe'*.

Cruinnithe NESC a eagraíodh le linn 2022

Tar éis an Chomhairle a athbhunú, tionóladh ceithre chruinniú in 2022; ar an 31 Márta, 30 Meitheamh, 29 Meán Fómhair agus 15 Nollaig.

Le linn 2022, rinne an Rúnaíocht a lán cur i láthair ar obair NESC, ghlac páirt i réimse comhdhálacha, seimineár agus ceardlann agus d'fhreastail ar roinnt coistí agus meithleacha. Tá roinnt de na gníomhaíochtaí seo liostaithe thíos.

Bhí an **Dr Larry O'Connell**, Stiúrthóir, ina chomhalta;

- den Ghrúpa Comhairleach um Pleanáil Spásúil Mara (PSM).
- de Bhord Comhairleach an Earth Institute (Leas-Chathaoirleach).

Tugadh cuireadh dó a bheith ina chainteoir agus/nó a bheith rannpháirteach sna himeachtaí seo a leanas:

- Comhchoiste Oireachtais, Forbairt atá Dírithe ar Iompar, Eanáir
- Comhchoiste Oireachtais, Buiséid Charbóin, Eanáir
- Comhdháil Chomóradh 30 Bliain Nasc Tuaithe na hÉireann, Baile Átha Luain, Bealtaine.
- 8ú Coiste Comhairleach EPA ar Ghníomhaíochtaí NESC sa Limistéar Comhshaoil, Loch Garman, Meitheamh
- Ionad Staidéir Comhionannais UCD, ‘Smaointeoireacht sa Todhchaí’, Deireadh Fómhair.
- Ceartas Sóisialta Éireann, Comhdháil Bhliantúil ar Bheartas Sóisialta 2022, Samhain.
- Ceartas Sóisialta Éireann, Comhdháil Bhliantúil ar Bheartas Sóisialta 2022, Samhain.

An **Dr Helen Johnston** (Anailísí Sinsearach Polasaí):

Le linn 2022 bhí an Dr Johnston ina ball de;

- An Grúpa Teicniúil Comhairleach ar Tháscairí agus Sonraí Bochtaineachta;
- Grúpa Comhairleach Saineolaithe na Roinne Caiteachais agus Athchóirithe ar Phromhadh Comhionannas Buiséid;
- An Líonra Cur Chun Feidhme agus an Grúpa Stiúrtha;
- Iontaobhaí Fhondúireacht Katharine Howard;
- Grúpa Comhairleach Taighde Focus Ireland;
- Coiste Comhairleach Taighde an Tionscnaimh um Fhorbairt na nÓg.

Tugadh cuireadh di labhairt ag na himeachtaí seo a leanas:

- An Clár um Dhochtúireacht i Rialachas Institiúid an Riaracháin Phoiblí maidir le ‘Cur chun feidhme’, Baile Átha Cliath, Eanáir;
- Grúpa Beartais Oileáin Chomhroinnte Chomhaontas Glas, in éineacht leis an Dr Jeanne Moore, ar obair Oileáin Chomhroinnte NESC, trí Teams MS, Feabhra;
- Tuarascáil NESC *Oileán Comhroinnte Deiseanna Comhroinnte* arna seoladh ag an Taoiseach Micheál Martin TD i gCaisleán Bhaile Átha Cliath, Aibreán;
- Cur i láthair maidir le *Folláine ar Oileán Comhroinnte* ag Advice NI agus TASC Cruinniú Comhchéime ar líne maidir le ‘Saoránaigh Leochaileacha a Chosaint’, Bealtaine;
- Rinne sí cathaoirleacht ar phlé painéil ag an bhFóram um Chuimsiú Sóisialta i mBaile Brigín, Meitheamh;
- Labhair sí ag ócáid Oileáin Chomhroinnte de chuid NESC i gCorcaigh, Iúil;
- Rinne sí cur i láthair ar *Conas is fearr aghaidh a thabhairt ar bhochtaineacht agus neamhionannas in Éirinn* ag Ceardlann Eacnamaíochta Bhaile Átha Cliath i Loch Garman, Meán Fómhair;

- Rinne sí cathaoirleacht ar phlé painéil ar an *gClár Oibre Tuaithe do Ghníomhú ar son na hAeráide* ag Comhdháil ECFE um Fhorbairt Tuaithe sa Chabhán, Meán Fómhair;
- Labhair sí ag ócáid Oileáin Chomhroinnte de chuid NESC i nDoire, Deireadh Fómhair;

Bhí sí ina comhúdar ar an méid seo a leanas:

- Johnston, H. (2022) ‘Basic Income in Ireland: The Development of Two Pilots’ san Iris Eorpach um Shláindáil Shóisialta <https://doi.org/10.1177/13882627221109287>.
- Scríobh sí *Ireland’s Wellbeing Journey* i gcomhar le Larry O’Connell agus Anne-Marie McGauran, páipéar do Chomhdháil Bhliantúil Cheartas Sóisialta Éireann, Samhain.

An Dr Damian Thomas (Anailísí Sinsearach Beartas):

Le linn 2022 bhí an Dr Thomas ina bhall de:

- Comhalta den Fhóram Idirphlé Sláinte 2022
- Lónra Taighde Tuaithe na nInstitiúidí Ardoideachais 2022
- Cathaoirleach Fhoghrúpa Phrionsabail Chomhpháirtíochta an Fhórait Idirphlé Sláinte (Feabhra go Meán Fómhair 2020)

Chuir sé an méid seo a leanas i láthair:

- ‘Prionsabail Chomhpháirtíochta in Earnálacha Sláinte agus Cúraim Shóisialta’ chuig Comhdháil Náisiúnta Roth Pháirc an Chrócaigh, 01/06/23
- ‘Freagairtí Áitbhunaithe — Ag Foghlaim ó Chleachtas’ ag Comhdháil Idirnáisiúnta Bhliantúil RGS-IBG, 01/09/23 Ollscoil Newcastle

An Dr Cathal FitzGerald (Eacnamaí Sinsearach)

D’fhill an Dr FitzGerald ar NESC ó shannadh speisialta i Roinn an Taoisigh i mí Feabhra 2022. Bhí sé i gceannas ansin ar thaighde na Comhairle ar na ceachtanna beartais phoiblí ó thaithí na hÉireann ar phaindéim COVID-19, agus ar thaighde NESC ar an ngeilleagar, ar athléimneacht agus ar leochaileachtaí.

Le linn 2022 bhí an Dr Fitzgerald ina bhall de:

- An Grúpa Eolais Pleanála Náisiúnta; agus
- An Fóram Comhairleach Náisiúnta Pleanála.

Labhair sé ag/d’fhreastail sé ar an méid seo a leanas:

- An Comhchoiste Oireachtas um Thithíocht, Pleanáil agus Rialtas Áitiúil;
- Athbhreithniú ECFE ar Phróisis Náisiúnta Beartais agus Fadhbheathnaitheachta na hÉireann;

- Cruinnithe éigeandála Chomhairlí Eacnamaíocha agus Sóisialta an Aontais maidir leis an gcogadh san Úcráin;
- Cruinniú den Choimisiún Tithíochta;
- An Grúpa Idir-Rannach um Fhorbairt atá Dírithe ar Iompar; agus
- Siompóisiam ar an bPáipéar Bán nua ar Fhiontraíocht.

An **Dr Niamh Garvey** (Anailísí Sinsearach Beartais):

Le linn 2022 bhí an Dr Garvey ina ball de;

- An Grúpa Cur Chun Feidhme maidir leis an mBithgheilleagar
- An Grúpa Comhordaithe um Thaighde Aeráide
- An Grúpa Comhordaithe Náisiúnta um Thaighde Comhshaoil
- An Grúpa Comhairleach um Nuálaíocht Gáis
- Coiste Monatóireachta an Chláir Forbartha Tuaithe d'Éirinn

2014 – 2022

- Grúpa comhairleach thionscadal *DAFM-Climate KIC Deep Demonstration*
- Mhaoinigh Coiste Stiúrtha an EPA tionscadal taighde: *Athléimneacht chóir agus oiriúnú in Éirinn: earnálacha agus réigiúin (Just Adapt)*
- Mhaoinigh Coiste Stiúrtha an EPA tionscadail taighde an EPA-IPA: 2022-GCE-1085: Rialachas Comhshaoil & Eolaíocht Cur Chun Feidhme níos Leithne agus 2022-GCE-1086: *Rialachas Dramhaíola agus an Gheilleagair Chiorclaigh*

Tugadh cuireadh di labhairt ag na himeachtaí seo a leanas:

- ‘Buiséid Charbóin: atosaithe’, An Comhchoiste Oireachtais um an gComhshaoil agus um Ghníomhú ar son na hAeráide, 13 Eanáir 2022
- Comhdháil Lá Domhanda Bia IFIAD 2022, ‘Todhchaí Bia-Slán do Chách, *dearcadh na hÉireann agus dearchtaí domhanda ar ocras agus slándáil bia - san am atá caite, san am i láthair agus amach anseo*’, an 7-8 Samhain 2022

An **Dr Anne Marie McGauran** (Anailísí Beartais):

Le linn 2022 bhí an Dr McGauran ina ball de:

- Grúpa Stiúrtha Taighde Cúramóirí Teaghlaigh Éireann
- An Grúpa Stiúrtha um Luach ar Chúram um Chúramóirí Teaghlaigh Éireann
- Grúpa Comhairleach um Threoirchleachtas d'Aosaigh ar feadh an tSaoil in OÉM
- Coiste Comhairleach Taighde MESL
- Chomh maith leis sin, bhí sí ina comhlach taighde leis an Lárionad um Staidéar ar Inscne agus ar Mhná, Coláiste na Tríonóide, Baile Átha Cliath

Fuair sí cuireadh le bheith ina cainteoir agus thug sí cur i láthair ag;

- A chinntiú go mbeidh Claoclú Digiteach Cuimsitheach san Aontas, Rochtain ar an Eoraip, a tionóladh ar líne, an 4 Bealtaine 2022
- I dtreo na Folláine do Chách, Comhdháil Bhliantúil Cheartas Sóisialta Éireann maidir le Beartas Sóisialta, a tionóladh ar líne, an 16 Samhain 2022
- Seoladh Oibrithe Scothaosta ar Phá Íseal: Próifíl chainníochtúil agus cháilíochtúil de phá íseal i measc oibrithe os cionn 50 bliain d’aois, Óstán Buswell, an 25 Samhain 2022
- *Thekla Talk — Better Policy, Better Lives* — Tuiscint ar an Áit Folláine sa Bheartas Poiblí, a tionóladh ar líne, an 29 Samhain 2022

An Dr Jeanne Moore (Anailísí Polasaí):

Le linn 2022 bhí an Dr Moore ina ball de;

- Grúpa Stiúrtha Forbhreathnaithe Taighde Comhshaoil Náisiúnta an EPA
- Grúpa Stiúrtha 5YRAR Náisiúnta EPA (Athbhreithniú Bliantúil Cúig Bliana ar an Aeráid)
- An Sainghrúpa Stiúrtha Meastóireachta ar Scéim Tacaíochta Leictreachais In-athnuaite SEAI/DECC
- Bord Comhairleach Lárionad DCU don Aeráid agus don tSochaí
- Comhalta de Ghrúpa Comhairleach Aeráide agus Fuinnimh na hInstitiúide um Ghnóthaí Idirnáisiúnta agus Eorpacha (IIEA).
- Comhalta den Ghrúpa Comhairleach Náisiúnta Sóisialta agus Iompair um Ghníomhú ar son na hAeráide

Tugadh cuireadh di labhairt ag na himeachtaí/cruinnithe seo a leanas;

- Comhchoiste Oireachtais um an gComhshaol agus um Ghníomhú ar son na hAeráide, arna gcur i láthair ar Bhuiséid Charbóin (ar líne) (Eanáir)
- Comhdháil Bhliantúil Institiúid Pleanála na hÉireann, arna cur i láthair ar an Aeráid agus ar an mBithéagsúlacht: Dúshláin an Oileáin Chomhroinnte, (ar líne) (Aibreán).
- An Chomhdháil Náisiúnta Bithéagsúlachta, Rannpháirtí ar Phainéal Sheisiúin an Oileáin Chomhroinnte, Caisleán Bhaile Átha Cliath (Meitheamh).
- Comhdháil Idirnáisiúnta maidir leis an nGéarchéim Aeráide, ESC na Gréige, arna cur i láthair ag NESC: An tAthru Aeráide agus an tAistriú Cóir (ar líne) (Meitheamh)
- An Dara Fóram Náisiúnta Páirtithe Leasmhara Aeráide, Cathaoirleach, Staid Aviva (Iúil)
- Comhdháil Luasaithe ESB/IIEA, Eochairóráid, Cur Chuige um Aistriú Cóir a Chur Chun Cinn in Éirinn, Teach an Ard-Mhéara (Deireadh Fómhair)

Noel Cahill (Eacnamaí)

Le linn 2022, bhí Noel Cahill ina chomhalta de Phainéal Comhairleach Soláthair agus Inacmhainne na Gníomhaireachta Tithíochta.

Tugadh cuireadh dó a bheith ina chainteoir ag:

- Bhí sé páirteach sa Phlé ar 'Athghiniúint Uirbeach' ag Comhchoiste an Oireachtais um Thithíocht, Rialtas Áitiúil agus Oidhreacht, Eanáir
- Bhí sé ina chathaoirleach ar sheoladh Thuarascáil TASC ar Thalamh agus Tithíocht, Óstán Buswells, Baile Átha Cliath, Aibreán
- Thug sé cur i láthair ar an Earnáil Phríobháideach Cíosa do roinnt comhaltaí agus baill foirne de chuid an Choimisiúin Tithíochta, Teach an Chustaim, Baile Átha Cliath, Meán Fómhair.

Caibidil 3

Polasaithe Cuntasaíochta NESDO

Polasaithe Cuntasaíochta

3.1.1 Coinbhinsiún an Chostais Stairiúil

Réitíodh na Ráitis Airgeadais ar bhonn fabhrúithe faoi choinbhinsiún an chostais stairiúil ar aon dul le prionsabail chuntasaíochta a bhfuil glacadh forleathan leo ach má mhaítear a mhalairt.

3.1.2 Aitheantas Ioncaim

Aithnítear deontas a fhaightear ó Roinn an Taoisigh sna Ráitis Airgeadais ar bhonn fáltais airgid thirim.

Aithnítear an t-ioncam ó Chomhdhálacha nuair a shonrasctar é. Má dhealraítear go mb'fhéidir nach bhfaighfí an t-airgead, déantar foráil i gcomhair fiachais amhrasacha.

Téann NESDO i mbun tionscadail chómhaoinithe le heagrais eile a d'fhéadfadh leanúint ar aghaidh níos faide ná bliain. Aithnítear an t-airgead seo ar bhonn fáltais airgid thirim.

3.1.3 Airgeadraí Eachtracha

Taifeadtar idirbheartaíochtaí in airgeadraí seachas an euro ag na rátaí atá i bhfeidhm ar dháta na n-idirbheartaíochtaí nó ar dháta ar conradh. Aistrítear sócmhainní agus dliteanais go euro ar dháta an chláir chomhardaithe nó ar dháta ar conradh. Déileáiltear le difríochtaí malairte sa Ráiteas Ioncaim agus sa Chuntas Caiteachais.

3.1.4 Sócmhainní Inláimhsithe

Maítear sócmhainní inláimhsithe ag costas lúide dímheas carntha. Ríomhtar dímheas d'fhonn costas sócmhainní inláimhsithe a dhíscríobh i leith a luachanna measta iarmharacha le linn a saolré measta úsáide trí thráthchodanna bliantúla cothroma.

Is mar seo a leanas atá saolré measta úsáide sócmhainní inláimhsithe trí thagairt do dhímheas:

- Troscán: 5/10 bliain;
- Trealamh: 5 bliana.

Aoisliúntas

Tá foireann NESDO ina mbaill den scéim pinsean d'Fhostaithe Stáit Neamhbhunaithe. Is scéim neamh-ranníocaíochta í seo do phinsean scoir agus sochair chnapshuime an oifigigh féin. Tá ranníocaíochtaí iníoctha i leith Scéim na gCéilí agus Leanaí. Íocann an NESDO na ranníocaíochtaí seo leis an Roinn Caiteachais Phoiblí Sheachadadh PFN agus Athchóirithe. Dá réir sin, níl aon dliteanas ar NESDO i leith socrúithe aoisliúntais na mball foirne seo.

Le linn 2022, thug Roinn an Taoisigh beirt bhall foirne ar iasacht do NESDO. Bhí na baill foirne seo cumhdaithe ag na scéimeanna aoisliúntais atá i bhfeidhm ina Roinn féin faoi seach. Chúitigh NESDO na Ranna i leith tuarastail, ÁSPC an fhostóra agus aoisliúntas na mball áirithe foirne. Fabhraíodh aisíocaíochtaí ar bhonn míosúil agus íocadh iad i leith an Ráitis Ioncaim agus Caiteachais agus Cúlchiste Coimeádta Ioncaim. Is é an Roinn ábhartha atá freagrach as párolla agus aoisliúntas na mball foirne atá ar iasacht ag NESDO.

Aguisíní

Aguisín 1 Comhaltas Bhord NESDO

Athbhunaíodh Bord NESDO in 2022

- Martin Fraser, (Iar-Chathaoirleach – Ar Scor Bealtaine 2022)
- John Callinan, Roinn an Taoisigh (Cathaoirleach, Ceaptha Meitheamh 2022)
- Elizabeth Canavan, Roinn an Taoisigh (Leas-Chathaoirleach, Ceaptha Meitheamh 2022)
- Príomhoifigeach NESDO, An Dr Larry O’ Connell

Aguisín 2 Comhaltas Chomhairle NESC

Athbhunaíodh Comhairle NESC in 2022. Is mar seo a leanas a ainmníodh comhaltas na Comhairle 2022-2027:

- Martin Fraser, (Iar-Chathaoirleach – Ar Scor Bealtaine 2022)
- John Callinan, Roinn an Taoisigh (Cathaoirleach, Ceaptha Meitheamh 2022)
- Elizabeth Canavan, Roinn an Taoisigh (Leas-Chathaoirleach, Ceaptha Meitheamh 2022)

Triúr comhaltaí ó Ghnó agus ó Fhostóirí:

- Ian Talbot, Príomhoifigeach Feidhmiúcháin, Chambers Ireland
- Gerard Brady, Príomheacnamaí, ibec
- Hubert Fitzpatrick, Príomhoifigeach Oibriúcháin, Cónaidhm Thionscal na Foirgníochta

Triúr comhaltaí de chuid na gCeardchumann:

- Owen Reidy, Ard-Rúnaí, ICTU
- Joe Cunningham, Ard-Rúnaí, SIPTU
- Keven Callinan, Ard-Rúnaí, IMPACT

Triúr comhaltaí de chuid na Feirmeoireachta agus na Talmhaíochta:

- Damian McDonald, Ard-Stiúrthóir, IFA
- John Enright, Ard-Rúnaí, ICMSA
- TJ Flanagan, Príomhoifigeach Feidhmiúcháin, ICOS

Triúr comhaltaí ó Phobal agus Deonach:

- Seán Healy, Ceartas Sóisialta Éireann
- Bríd O'Brien, Eagras Náisiúnta na hÉireann na nDaoine Dífhostaithe
- Nat O'Connor, Saineolaí Sinsearach ar Ghnóthaí Poiblí agus Beartas, Age Action

Triúr comhaltai de chuid an Chomshaoil:

- Karen Ciesielki, Comhordaitheoir, An Colún Comhshaoil
- Caroline Whyte, Feasta
- Jerry Mac Evilly, Ceann um Ahtru Beartais, Cairden a Cruinne, Éire

Ceathrar comhaltai de chuid na Seirbhise Poiblí:

- John Hogan, Ard-Rúnaí, An Roinn Airgeadais
- Orleigh Quinn, Ard-Rúnaí, An Roinn Fiontar, Trádála agus Fostaíochta
- Graham Doyle, Ard-Rúnaí, An Roinn Tithíochta, Rialtais Áitiúil agus Oidhreacht
- David Moloney, Ard-Rúnaí, An Roinn Caiteachais Phoiblí Sheachadadh PFN agus Athchóirithe

Ochtar comhaltaí neamhspleácha arna n-ainmniú ag an Taoiseach:

- Seamus Coffey, Coláiste na hOllscoile Corcaigh
- An tOllamh Niamh Moore Cherry, An Coláiste Ollscoile, Baile Átha Cliath
- An Dr Diarmuid Torney, Ollscoil Chathair Bhaile Átha
- An Dr Chris Van Egeraat, Ollscoil Náisiúnta na hÉireann Má Nuad
- An tOllamh Colin Scott, An Coláiste Ollscoile, Baile Átha Cliath
- Noelle O'Connell, European Movement Ireland
- Nichola Mallon, Iar-MLA, Comhthionól Thuaisceart Éireann
- Colette Byrne, Iar-chomhalta Chomhairle Chill Chainnigh

Aguisín 3

Ráitis Airgeadais mar atá sínithe ag Bord NESDO

**An Oifig Náisiúnta um Fhorbairt Eacnamaíoch agus Shóisialta
(NESDO)**

Ráitis Airgeadais

Don Bhliain Dar Chríoch an 31 Nollaig 2022

An Oifig Náisiúnta um Fhorbairt Eacnamaíoch agus Shóisialta (NESDO)

Clár Ábhar

	Leathanach
Comhaltaí Boird agus Eolas Eile	1
Tuarascáil an Chathaoirligh	2
Ráiteas Rialachais agus Tuarascáil Chomhaltaí an Bhoird	3-5
Ráiteas ar Rialú Inmheánach	6-7
Tuarascáil an Ard-Reachtaire Cuntas agus Ciste	8-9
Ráiteas maidir le hIoncam agus Caiteachas agus Cúlchistí Ioncaim Coinnithe	10
Ráiteas maidir leis an Staid Airgeadais	11
Ráiteas maidir le Sreabhadh Airgid	12
Nótaí a Ghabhann leis na Ráitis Airgeadais	13-18

An Oifig Náisiúnta um Fhorbairt Eacnamaíoch agus Shóisialta (NESDO)

Comhaltaí Boird agus Eolas Eile

Comhalta Boird: An tUasal John Callinan
Elizabeth Canavan Uasal

Baincéirí: Banc-Aontas Éireann
7/12 Sráid an Dáma
Baile Átha Cliath 2

Ceannoifig: 16 Chearnóg Parnell
Baile Átha Cliath 1

Iniúchóir: An tArd-Reachtaire Cuntas agus Ciste
3A Sráid an Mhéara Uachtarach
Baile Átha Cliath 1

An Oifig Náisiúnta um Fhorbairt Eacnamaíoch agus Shóisialta (NESDO)

Tuarascáil an Chathaoirligh

Don bhliain dar chríoch an 31 Nollaig 2022

Bunaíodh an Oifig Náisiúnta d'Fhorbairt Eacnamaíoch agus Shóisialach (NESDO) faoi théarmaí an Achta um an Oifig Náisiúnta d'Fhorbairt Eacnamaíoch agus Shóisialach, 2006 agus tá sé rialaithe ag Bord a cheap an Taoiseach.

Is é NESDO foras corparáideach na Comhairle Eacnamaíochta agus Sóisialta (NESC) a thugann comhairle don Taoiseach ar cheisteanna beartas straitéiseach a bhaineann le forbairt eacnamaíochta, shóisialta agus chomhshaoil in Éirinn.

Tá Bord NESDO tiomanta do na caighdeáin is airde Rialachais Chorparáidigh agus tá Cód Cleachtais chun Comhlachtaí Stáit a Rialú (2016) na Roinne Caiteachais Phoiblí Sheachadadh PFN agus Athchóirithe curtha i bhfeidhm aige.

Tá treoirlínte maidir le beartais agus nósanna imeachta leitheadacha i bhfeidhm ag NESDO maidirle gach ball foirne, coiste agus comhaltaí boird. Cuireann NESDO na caighdeáin nochta agus trédhearcachta is airde i bhfeidhm maidir leis na leasanna atá ag baill foirne, coistí agus comhaltaí Boird.

Polasáí Luach Saothair - Comhaltaí Boird agus Stiúrthóirí Feidhmiúcháin

Is é an duine céanna atá ina Príomhoifigeach ar NESDO agus ina Stiúrthóir ar an NESC. Déantar é a íoc i leith an phoist atá aige ina Stiúrthóir ar an NESC agus ní íoctar aon luach saothair, sochar oifige ná speansais eile leis maidir lena ról ina Phríomhoifigeach. Déantar gach ball foirne NESDO agus NESC, lena n-áirítear an Príomhoifigeach/Stiúrthóir a íoc de réir ciorcláin pá ábhartha atá eisithe ag an Roinn Caiteachais Phoiblí, Sheachadadh PFN agus Athchóirithe. Ní íoctar aon luach saothair/táillí le comhaltaí boird NESDO na le comhaltaí Comhairle NESC.

Gnóthas Leantach

Tá súil réasúnta ag an mBord le maoiniú leanúnach Roinne. Ar an gcúis sin, leanann an Chomhairle de ghlacadh le bonn an ghnóthais leantaigh is na ráitis airgeadais bliantúla á n-ullmhú. Fuarthas an chéad tráthchuid d'Ioncam Deontais 2023 i mí Eanáir 2023.

An Oifig Náisiúnta um Fhorbairt Eacnamaíoch agus Shóisialta (NESDO)

Ráiteas Rialachais agus Tuarascáil Chomhaltaí an Údaráis

Don bhliain dar chríoch an 31 Nollaig 2022

Rialachas

Bunaíodh Bord na hOifige Náisiúnta um Fhorbairt Eacnamaíoch agus Shóisialta (NESDO) faoi Acht na hOifige Náisiúnta um Fhorbairt Eacnamaíoch agus Shóisialta, 2006. Tá an Bord freagrach don Taoiseach agus freagrach as rialachas maith a chinntiú a chuirtear i gcrích trí chuspóirí agus spriocanna straitéiseacha a leagan amach agus trí chinntí straitéiseacha a dhéanamh ar gach cinneadh gnó. Príomhfheidhmeannach (CO) agus foireann bainistíochta sinsearaí NESDO atá freagrach as NESDO a bhainistiú, a rialú agus a threorú ó lá go lá. Ní mór don Phríomhfheidhmeannach agus don fhoireann bainistíochta sinsearaí an treoir straitéiseach leathan a leagan an Bord amach a leanúint agus a chinntiú go bhfuil tuiscint mhaith ag gach comhalta Boird ar na príomhghníomhaíochtaí agus na príomhchinntí a bhaineann leis an eintitas agus aon rioscaí suntasacha a d'fhéadfadh a theacht chun cinn. Feidhmíonn an Príomhfheidhmeannach mar theagmhálaí díreach idir Bord agus bainistíocht an NESDO.

Freagrachtaí an Bhoird

Leagtar amach i gcáipéis Polasaithe agus Nósanna Imeachta NESDO obair agus freagrachtaí an Bhoird chomh maith le nithe a fhorchoimeádtar go sonrach do chinneadh Boird. I measc na mbuan-nithe a bhreithníonn an Bord, tá:

- dearbhú leasanna,
- tuarascálacha ó choistí,
- tuarascálacha airgeadais/bainistíochta cuntais,
- tuarascálacha feidhmíochta; agus
- nithe forchoimeáda.

Ceanglaíonn Alt 31(1) den Acht um an Oifig Náisiúnta d'Fhorbairt Eacnamaíoch agus Shóisialach, 2006 ar NESDO na cuntais go léir is cibé agus is gnách ar airgead a fhaigheann sí agus a chaitheann sí a choimeád, i cibé foirm a cheadóidh an Taoiseach le comthoilíú an Aire Airgeadais.

Agus na Ráitis Airgeadais seo á n-ullmhú, ceanglaítear ar an mBord:

- polasaithe chuntasaíochta oiriúnacha a roghnú agus iad a fheidhmiú go seasta,
- breithiúnais agus meastacháin a dhéanamh atá réasúnach agus stuama;
- na Ráitis Airgeadais a ullmhú ar bhonn an ghnóthais leantaigh, sin mura mbíonn sé mí-oiriúnach glacadh leis go leanfaidh an comhlacht lena ghnó, agus
- a lua cibé an ndearnadh caighdeáin chuntasaíochta infheidhme a leanúint, faoi réir ag aon athrú ábhartha a nochtar agus a mhínítear sna Ráitis Airgeadais.

Tá an Bord freagrach as a chinntiú go bhfuil taifid chuntasaíochta leordhóthanacha á gcoimeád a nochtann, go réasúnta cruinn ag aon tráth ar bith, a staid airgeadais agus a chuirfidh ar a chumas a chinntiú go bhfuil na Ráitis Airgeadais mar atá dlite faoi Alt 31(2) d'Acht na hOifige Náisiúnta d'Fhorbairt Eacnamaíoch agus Shóisialach, 2006. Is ar an mBord a leagtar an fhreagracht maidir le heolas corparáide agus faisnéis airgeadais a chur ar fáil ar láithreán gréasáin NESDO agus maidir le hiomláine an ábhair sin.

Is é an Bord atá freagrach as plean agus buiséad bliantúil a cheadú. Rinneadh meastóireacht ar fheidhmíocht NESDO faoi threoir an phlean bhliantúil agus an bhuiséid an 22 Meitheamh 2022.

Tá an Bord freagrach as a chinntiú go ndéantar sócmhainní NESDO a choimirciú go leordhóthanach agus go bhfuil céimeanna réasúnta i bhfeidhm chun calaíoch agus neamhrialtachtaí eile a chosc agus a bhrath

Measann an Bord go dtugann Ráitis Airgeadais NESDO léargas fíor agus cothrom ar fheidhmíocht airgeadais agus ar staid airgeadais an NESDO amhail an 31 Nollaig 2022.

Struchtúr an Bhoird

Tá an Bord comhdhéanta de Chathaoirleach agus Leas-Chathaoirleach a cheapann an Taoiseach. Tionóltar cruinnithe boird gach bliain nó níos minice de réir mar is gá. Ceapadh comhaltaí an Bhoird ar feadh tréimhse chomhthréimhseach le téarma na Comhairle Náisiúnta Eacnamaíoch agus Sóisialta (NESD). Leagtar amach sa tábla thíos míneolas faoi thréimhsí ceapacháin na gcomhaltaí reatha:

An Oifig Náisiúnta um Fhorbairt Eacnamaíoch agus Shóisialta (NESDO)

Ráiteas Rialachais agus Tuarascáil Chomhaltaí an Údaráis

Don bhliain dar chríoch an 31 Nollaig 2022

Comhalta Boird	Ról	Dáta an Cheapacháin
Martin Fraser	Cathaoirleach (Iar-Chathaoirleach)	Bealtaine 2017 go Bealtaine 2022
John Callinan	Cathaoirleach (Reatha)	Meitheamh 2022
Elizabeth Canavan	Leas-Chathaoirleach (Reatha)	Meitheamh 2022

Tá Coiste Iniúchóireachta agus Riosca (ARC) bunaithe ag an mBord atá comhdhéanta de thriúr comhaltaí, beirt chomhaltaí sheachtracha san áireamh. Is é ról an Choiste Iniúchta agus Riosca ná tacaíocht a thabhairt don Bhord maidir lena chuid freagrachtaí i ndáil le saincheisteanna a bhaineann le riosca, rialú agus rialachas. Tá an ARC neamhspleách ar lucht bainistíochta airgeadais na heagraíochta. Go sonrach, áiríonn an Coiste go ndéantar monatóireacht ghníomhach agus neamhspleách ar na córais rialaithe inmheánacha, lena n-áirítear gníomhaíochtaí iniúchta. Go dtuairisceoidh an Coiste don Bhord gach bliain, nó de réir mar is gá. Tuairiscíonn an CIR chuig an mBord i ndiaidh gach cruinnithe, agus go foirmeálta i scríbhinn uair sa bhliain.

Is iad Nigel Clarke (Cathaoirleach), ó mhí an Mhárta 2021 comhaltaí an Choiste Iniúchóireachta agus Riosca; Cillian Doyle, Roinn an Taoisigh ó mhí an Mheithimh 2021, agus Edna Jordan, NESD ó mhí an Mhárta 2021. Bhí 4 chruinniú ag an ARC in 2022.

Sceideal maidir le cúrsaí Tinrimh, Táillí agus Costais

Leagtar amach thíos sceideal do fhreastal ag cruinnithe an Bhoird agus an Choiste do 2022 lena n-áirítear táillí agus costais a fuair gach comhalta :

	Táillí &	Costais an Bhoird (€)
Líon na gCruinnithe:	2	
John Callinan	2	0
Elizabeth Canavan	2	0

Ní fhaigheann na comhaltaí Boird aon táillí ná costais.

	Táillí & Costais	an Choiste Iniúchta agus Riosca (€)
Líon na gCruinnithe:	4	
Nigel Clarke	4	0
Cillian Doyle	4	0
Edna Jordan	3	0

Nochtuithe a Éilítear faoi Chód Cleachtais maidir le Rialachas Comhlachtaí Stáit (2016)

An Bord atá freagrach as a chinntiú gur chomhlíon an NESDO ceanglais an Chóid Cleachtais chun Comhlachtaí Stáit a Rialú ("an Cód"), arna fhoilsiú ag an Roinn Caiteachais Phoiblí, Sheachadadh PFN agus Athchóirithe i mí Lúnasa 2016. Éilítear na nochtá a leanas faoin gCód:

Miondealú ar Shochair Ghearrthéarmacha d'Fhostaithe

Déantar sochair gearrthéarmacha d'Fhostaithe de bhreis ar €60,000 a chatagóiriú sna bandáí seo a leanas:

Raon de shochair iomlána na bhfostaithe	Líon na bhFostaithe 2022	Líon na bhFostaithe 2021
€60,000 - €69,999	1	0
€70,000 - €79,999	0	1
€80,000 - €89,999	2	2
€90,000 - €99,999	2	3
€100,000 - €109,999	2	1
€110,000 - €119,999	3	2
€120,000 - €129,999	0	0
€130,000 - €139,999	0	0
€140,000 - €149,999	0	1
€150,000 - €159,999	1	0

Tabhair ar aird: Chun críocha an nochtá seo, áirítear sochair gearrthéarmacha fostaithe maidir le seirbhísí a soláthraíodh le linn na tréimhse tuairiscithe, liúntais ragoibre agus íocaíochtaí eile déanta thar ceann an fhostaí ach ní áirítear ÁSPC an fhostóra.

An Oifig Náisiúnta um Fhorbairt Eacnamaíoch agus Shóisialta (NESDO)

Ráiteas Rialachais agus Tuarascáil Chomhaltaí an Údaráis

Don bhliain dar chríoch an 31 Nollaig 2022

Caiteachas Taistil agus Cothabhála

Déantar Caiteachas taistil agus cothabhála a chatagóiriú mar seo a leanas:

Fostaithe	2022 €	2021 €
Baile	7,055	-
Eachtrach	903	-
Neamh-Fhostaithe		
Baile	257	-
Eachtrach	48	-
Iomlán	8,263	-

Costais Chomhairleoireachta

Tá NESD i mbun tionscadail taighde um fhorbairt inbhuanaithe a fhaigheann tacaíocht ó mhaoiniú ón Roinn Comhshaoil, Aeráide agus Cumarsáide.

Tionscadal	2022 €	2021 €
Comhairliúchán maidir le Taighde ar Fhorbairt Inbhuanaithe	76,839	78,435

Costais agus Socraíochtaí Dlí

2022 €	2021 €
Náid	Náid


Caiteachas Fáilteachais

Anailís ar Chaiteachas	2022 €	2021 €
Fostaithe	293	-
Neamh-Fhostaithe	137	-
Iomlán	430	-

Ráiteas maidir le Comhlíonadh

Tá an Cód Cleachtais chun Comhlachtaí Stáit a Rialú (2016) glactha ag an mBord agus tá nósanna imeachta curtha i bhfeidhm chun comhlíontacht leis an gCód a chinntiú. Bhí NESDO i gcomhréir iomlán leis an gCód le haghaidh 2022.

Sínithe ag:



Dáta: 21 Meán Fómhair, 2023

John Callinan

Cathaoirleach an Bhoird

An Oifig Náisiúnta um Fhorbairt Eacnamaíoch agus Shóisialta (NESDO)

Ráiteas ar Rialú Inmheánach

Don Bhliain dar Chríoch an 31 Nollaig 2022

Scóip na Freagrachta

Thar ceann Bhord na hOifige Náisiúnta d'Fhorbairt Eacnamaíoch agus Shóisialach, admháim an fhreagracht atá orainn as a chinntiú go ndéantar córas éifeachtach rialaithe inmheánaigh a chothabháil agus a oibriú san Oifig. Tugtar san áireamh leis an bhfreagracht sin na coinníollacha faoin gCód Cleachtais chun Comhlachtaí Stáit a Rialú (2016).

An Cuspóir atá leis an gCóras Rialaithe Inmheánaigh

Tá an córas rialaithe inmheánaigh leagtha amach chun riosca a bhainistiú a d'fhágfadh an riosca ar leibhéal inseasta seachas é a chur ar neamhní ar fad. Ní fhéadfaidh an córas ach dearbhú réasúnach seachas dearbhú iomlán a thabhairt go bhfuil sócmhainní cosanta, go bhfuil idirbhearta údaraithe agus taifeadta go cuí, agus go seachnaítear earráidí agus mírialtachtaí ábhartha nó go n-aimseofaí iad ar go tráthúil.

Bhí an córas um rialú inmheánach, atá de réir na treorach a d'eisigh an Roinn Caiteachais Phoiblí, Sheachadadh PFN agus Athchóirithe, i bhfeidhm i NESDO don bhliain dar chríoch an 31 Nollaig 2022 agus suas go dtí an dáta ar ceadaíodh na ráitis airgeadais.

An Acmhainn Déileáil le Riosca

Tá Coiste Iniúcháireachta agus Riosca (ARC) ag NESDO ar a bhfuil triúr comhaltaí ar comhaltaí seachtracha iad beirt acu, lena n-áirítear an Cathaoirleach, a bhfuil taithí leathan chorparáideach agus airgeadais acu in eagraíochtaí san earnáil phoiblí. Tá rochtain ag ARC ar sheirbhísí cuntasáiochta gairmiúla de réir mar is gá. Tháinig ARC le chéile ceithre huairte le linn na bliana 2022.

Is é Aonad Iniúchta Inmheánaigh Roinn an Taoisigh a dhéanann an fheidhm iniúchta inmheánaigh ag NESDO thar ceann ARC NESDO. Tá acmhainní leordhóthanacha ag an Aonad agus réachtálann sé clár oibre trí bliana a chomhaontaítear leis an gCoiste Iniúchta a chlúdaíonn raon leathan réimsí den eagraíocht lena n-áirítear rialuithe inmheánacha.

Tá beartas bainistíochta riosca forbartha ag an ARC ina leagtar amach inghlacthacht riosca, na próisis bainistíochta riosca atá i bhfeidhm agus na ról agus freagrachtaí atá ar bhaill foirne maidir le riosca. Tá an beartas seo eisithe ar an bhfoireann ar fad a bhfuiltear ag súil a bheidh ag obair laistigh de bheartais bhainistíochta riosca NESDO, chun an bhainistíocht a chur ar an eolas maidir le rioscaí agus laigí rialaithe a bheadh ag teacht chun cinn agus chun freagracht a ghlacadh do rioscaí agus rialuithe laistigh dá réimse oibre féin.

Creat Riosca agus Rialaithe

Tá córas bainistíochta riosca curtha i bhfeidhm ag NESDO agus leis an gcóras sin saináithnítear agus déantar tuairisciú ar príomhrioscaí agus gníomhaíochtaí bainistithe atá á ndéanamh le dul i ngleic leis na rioscaí sin agus, sa mhéid is féidir, chun na rioscaí sin a mhaolú.

Tá clár riosca i bhfeidhm ina n-aithnítear na príomhrioscaí atá le sárú ag NESDO agus tá siad sin aitheanta, measúnaithe agus tá grádáil déanta orthu de réir tábhachta. Déanann an ARC an clár a athbhreithniú agus a thabhairt cothrom le dáta go ráithiúil. De réir thoradh na measúnuithe sin a dhéantar pleanáil agus dáileadh ar acmhainní ionas go ndéantar an chontúirt ó gach réimse baoil a mhaolú go dtí gur féidir a sheasamh.

Tugtar mioneolas sa chlár rioscaí ar na rialuithe agus na bearta atá ag teastáil chun maolú a dhéanamh ar rioscaí agus ar an bhfreagracht as rialuithe a oibriú a leagtar ar bhaill foirne ar leith. Dearbháim go bhfuil timpeallacht rialaithe i bhfeidhm ina bhfuil na heilimintí seo a leanas:

- tá doiciméadú á dhéanamh ar nósanna imeachta do gach príomhphróiseas ghnó,
- tá freagrachtaí airgeadais sannta ag leibhéal bainistíochta agus cuntasacht dá réir i gceist,
- córas buiséadaithe iomchuí ann agus buiséad bliantúil a bhíonn faoi athbhreithniú ag bainistíocht shinsearach,
- tá córais ann atá dírithe ar shlándáil na gcóras Teicneolaíochta Faisnéise agus Cumarsáide a chinntiú, agus
- tá córais i bhfeidhm chun sócmhainní a chosaint.

An Oifig Náisiúnta um Fhorbairt Eacnamaíoch agus Shóisialta (NESDO)

Monatóireacht agus Athbhreithniú Leanúnach

Tá nós imeachta foirmiúla curtha ar bun chun monatóireacht a dhéanamh ar na próisis rialála agus cuirtear aon easnamh maidir le cúrsaí rialála in iúl don té atá freagrach as beart bisigh ina leith agus go luath-thráthúil don lucht bainistíochta agus don Bhord, nuair is cuí sin. Dearbhaím go bhfuil na córais mhonatóireachta leanúnaí seo a leanas i bhfeidhm:

- tá príomhríosaí agus na rialuithe bainteacha aitheanta agus tá próisis curtha i bhfeidhm chun monatóireacht a dhéanamh ar fheidhmiú na bpríomhrialuithe seo agus aon easnamh a aithnítear a thuairisciú.
- Tá socrúithe tuairiscithe i bhfeidhm ag gach leibhéal ina bhfuil freagracht i leith bainistíocht airgeadais sannta; agus
- déanann an ardbhainistíocht athbhreithniú go rialta ar thuarascálacha feidhmíochta tréimhsiúla agus bliantúla agus airgeadais a thugann léiriú ar fheidhmíocht in aghaidh buiséid/réamhaisnéisí.

Soláthar

Dearbhaím go bhfuil nósanna imeachta i bhfeidhm ag NESDO chun a chinntiú go gcomhlíontar na rialacha agus na treoirlínte soláthair atá ann faoi láthair agus go bhfuil fócas cuí ar dhea-chleachtas maidir le ceannach. Le linn 2022, meastar go bhfuil aon chonradh dar luach €5,205 neamhiomaíoch agus neamhchomhlíontach toisc gur cuireadh síneadh leis an gconradh tar éis dháta bunaidh an chonartha gan soláthar iomaíoch. Tá bearta déanta ag NESDO chun aghaidh a thabhairt ar an neamhchomhlíonadh sin trí phróiseas iomaíoch a thabhairt chun críche don tseirbhís seo. Tabharfar an próiseas sin chun críche in 2023.

Athbhreithniú Ar Éifeachtacht


Deimhním go bhfuil nósanna imeachta i bhfeidhm ag NESDO chun monatóireacht a dhéanamh ar éifeachtacht na nósanna imeachta bainistíochta riosca agus rialuithe. Tá faireachán agus athbhreithniú NESDO ar éifeachtacht na gcóras rialaithe inmheánaigh bunaithe ar obair na n-iniúchóirí inmheánacha agus seachtracha, ar ARC a dhéanann maoirseacht ar a gcuid oibre, agus ar an lucht bainistíochta sinsearaí laistigh de NESDO atá freagrach as an gcreat rialaithe inmheánaigh a fhorbairt agus a chothabháil.

Dearbhaím go ndearna an Bord athbhreithniú bliantúil ar éifeachtacht na rialuithe inmheánacha le haghaidh 2022 an 21 Meitheamh 2023.

Fadhbanna maidir le Rialú Inmheánach

Níor aithníodh aon laigí i rialú inmheánach a bhí le nochtadh sna Ráitís Airgeadais maidir le 2022.

Sínithe



ag:

Dáta: 21 Meán Fómhair 2023

John Callinan
Cathaoirleach an Bhoird



An tArd-Reachtair Cuntas agus Ciste

An tArd-Reachtair Cuntas agus Ciste

Tuarascáil le cur faoi bhráid Thithe an Oireachtais

An Oifig Náisiúnta d'Fhorbairt Eacnamaíoch agus Shóisialta

Tuairim ar na ráitis airgeadais

Rinne mé iniúchadh ar ráitis airgeadais na hOifige Náisiúnta d'Fhorbairt Eacnamaíoch agus Shóisialach don bhliain dar chríoch an 31 Nollaig 2022 mar a cheanglaítear faoi fhorálacha alt 31 den Acht um an Oifig Náisiúnta um Fhorbairt Eacnamaíoch agus Shóisialach 2006. Tá na ráitis airgeadais comhdhéanta de na nithe seo a leanas:

- an ráiteas maidir le hioncam agus caiteachas agus cúlchistí ioncaim coinnithe
- an ráiteas maidir leis an staid airgeadais
- an ráiteas maidir le sreabhadh airgid agus
- na nótaí gaolmhara, lena n-áirítear achoimre ar na polasaithe cuntasáochta suntasacha.

Is é mo thuairim go dtugann na ráitis airgeadais léargas fíor agus cothrom ar shócmhainní, ar dhliteanais agus ar staid airgeadais na hOifige Náisiúnta um Fhorbairt Eacnamaíoch agus Shóisialta amhail an 31 Nollaig 2022 agus ar ioncam agus chaiteachas na hOifige don bhliain 2022 de réir an Chaighdeáin Tuairiscithe Airgeadais (FRS) 102 – *An Caighdeán um Thuairisciú Airgeadais a bhfuil feidhm leis sa RA agus in Éirinn*.

An bonn atá leis an tuairim

Rinne mé m'iniúchadh ar na ráitis airgeadais i gcomhréir leis na

Caighdeáin Iniúchóireachta (ISAnna) arna bhfógairt ag Eagraíocht Idirnáisiúnta na nUasfhoras Iniúchóireachta. Déantar cur síos ar na freagrachtaí atá orm faoi na caighdeáin sin i bhfoscscríbhinn na tuarascála seo. Táim neamhspleách ar an Oifig Náisiúnta um Fhorbairt Eacnamaíoch agus Shóisialta agus tá mo chuid freagrachtaí eiteiciúla eile comhlíonta agam de réir na gcaighdeán sin.

Measaim go bhfuil an fhianaise iniúchta atá aimsithe agam leordhóthanach agus ábhartha chun bunús a chur le mo thuairim.

Tuarascáil ar fhaisnéis eile seachas na ráitis airgeadais agus ar nithe eile

Tá faisnéis áirithe eile chomh maith leis na ráitis airgeadais curtha i láthair ag an Oifig Náisiúnta um Fhorbairt Eacnamaíoch agus Shóisialta. Cuimsítear leis sin an tuarascáil bhliantúil, an ráiteas rialachais agus tuarascáil chomhaltaí an Bhoird agus an ráiteas maidir le rialú inmheánach. Déantar cur síos ar na freagrachtaí atá orm le tuairisc a thabhairt maidir leis an eolas sin, agus ar ábhair áirithe eile lena dtuairiscím trí eisceacht, i bhfoscscríbhinn na tuarascála seo.

Níl aon ní le tuairisciú agam ina leith sin.

Paula O'Connor

Do agus thar ceann

An Ard-Reachtair Cuntas agus Ciste

Dé hAoine an 27 Meán Fómhair 2023

Freagrachtaí chomhaltaí an Bhoird

Mar a shonraítear sa ráiteas rialachais agus i dtuarascáil chomhaltaí an Bhoird, tá comhaltaí an Bhoird freagrach as

- ráitis airgeadais a ullmhú ar an mbealach a fhorordaítear faoi Alt 31 den Acht um an Oifig Náisiúnta d'Fhorbairt Eacnamaíochta agus Shóisialach, 2006.
- a chinntiú go dtugann na ráitis airgeadais léargas fíor agus cothrom de réir FRS102
- rialtacht na n-idirbheart a chinntiú
- oiriúnacht úsáid a bhaint as bonn cuntasáíochta an ghnóthais leantaigh a mheas, agus
- rialú inmheánach dá leithéid a chinneann siad atá riachtanach d'fhonn ráitis airgeadais a ullmhú atá saor ó mhíríteas ábhartha, cibé mar thoradh ar chalaos nó earráid.

Freagrachtaí an Ard-Reachtair Cuntas agus Ciste

Tá sé de cheanglas orm faoi alt 31 den Acht um an Oifig Náisiúnta d'Fhorbairt Eacnamaíochta agus Shóisialach, 2006 iniúchadh a dhéanamh ar ráitis airgeadais na hOifige Náisiúnta um Fhorbairt Eacnamaíoch agus Shóisialta agus tuairisciú chuig Tithe an Oireachtais ina leith.

Is é an cuspóir atá agam agus an t-iniúchadh á chur i gcrích agam ná teacht ar dhearbhu réasúnach ar cibé an bhfuil na ráitis airgeadais tríd is tríd saor ó aon mhíríteas ábhartha mar thoradh ar chalaos nó earráid. Is ionann dearbhú réasúnach agus leibhéal ard dearbhaithe ach ní hionann é is barántas go dtiocfar i gcónaí, le linn iniúchadh a dtugtar faoi de réir na ISAnna, ar mhíríteas ábhartha nuair is ann dóibh. D'fhéadfadh míráitis eascairt ó chalaos nó ó earráid agus meastar iad a bheith ábhartha má tá ionchas réasúnach ann go n-imreoidh siad, astu féin nó le chéile, tionchar ar chinntí eacnamaíochta úsáideoirí a dhéantar bunaithe ar na ráitis airgeadais seo.

Mar chuid d'iniúchadh de réir na ISAnna, cuirim breithiúnas gairmiúil i bhfeidhm agus cloím le sceipteachas gairmiúil i rith an iniúchta. Lena linn sin déanaim,

- Na rioscaí a bhaineann le míráiteas ábhartha ar na ráitis airgeadais, bíodh sin mar thoradh ar chalaos nó earráid a shainaithint agus a mheas; nósanna imeachta iniúchta a leagan amach agus a chur i gcrích atá freagrúil do na rioscaí sin; fianaise iniúchóireachta a fháil atá leordhóthanach agus ábhartha chun bonn a chur faoi mo thuairim. Tá riosca níos mó ann nach dtiocfar ar mhíríteas ábhartha mar gheall ar chalaos seachas mar gheall ar earráid, ós rud é go bhféadfadh claonpháirteachas, brionnú, easnaimh d'aon turas, mífhaisnéis nó rialú inmheánach a sháru a bheith i gceist.

Tuiscint a fháil ar rialú inmheánach a bhaineann leis an iniúchadh d'fhonn nósanna imeachta iniúchta a leagan amach atá oiriúnach sna himthosca, ach gan chun críche tuairim a

- chur in iúl maidir le héifeachtúlacht na rialuithe inmheánacha.
- Oiriúnacht na mbeartas cuntasáíochta a úsáidtear agus réasúnacht na meastachán cuntasáíochta agus na

nochtuithe ábhartha a mheas.

- Oiriúnacht maidir le húsáid a bhaint as bonn cuntasáíochta a chinneadh, bunaithe ar an bhfianaise iniúchóireachta a fuarthas, maidir le cibé acu atá éiginnteacht ábhartha ann nó nach bhfuil a bhaineann le himeachtaí nó coinníollacha a d'fhéadfadh amhras suntasach a chaitheamh ar chumas na hOifige Náisiúnta um Fhorbairt Eacnamaíoch agus Shóisialta leanúint mar ghnóthas leantach. Má chinneadh go bhfuil éiginnteacht ábhartha ann, tá sé de cheanglas orm aird a tharraingt i mo thuarascáil ar na nochtuithe ábhartha atá sna ráitis airgeadais, nó mura leor nochtuithe dá leithéid, mo thuairim a mhionathrú. Tá mo chonclúidí bunaithe ar an bhfianaise iniúchóireachta a fuarthas suas go dtí dáta mo thuarascála. Ach mar sin féin, d'fhéadfadh imeachtaí nó coinníollacha amach anseo a bheith mar chúis leis an Oifig Náisiúnta um Fhorbairt Eacnamaíoch agus Shóisialta scor de bheith ag feidhmiú mar ghnóthas leantach.
- Cur i láthair, struchtúr agus ábhar ginearálta na ráiteas airgeadais a mheas, lena n-áirítear nochtuithe, agus cibé an léiríonn nó nach léiríonn na ráitis airgeadais na hidirbhearta bunúsacha agus na himeachtaí ar bhealach trína mbaintear amach cur i láthair atá cothrom.

Déanaim teagmháil leosan a leagtar de chúram orthu rialachas maidir le, i measc ábhair eile, scóip agus tráthúlacht an iniúchta agus fionnachtana suntasacha an iniúchta, lena n-áirítear aon easnaimh shuntasacha sa rialú inmheánach a shainaithníim le linn m'iniúchta.

Tuairiscím trí eisceacht chomh maith más rud é, de réir mo thuairime,

- nach bhfaighim an fhaisnéis agus na mínithe go léir a theastaíonn uaim chun m'iniúchadh a dhéanamh, nó
- nach raibh taifid chuntasáíochta leordhóthanach ann chun go bhféadfaí na ráitis airgeadais a iniúchadh go hiomchuí agus go réidh, nó
- nach bhfuil na ráitis airgeadais ag teacht leis na taifid chuntasáíochta.

Faisnéis seachas na ráitis airgeadais

Ní bhaineann mo thuairim a thugaim ar na ráitis airgeadais le haon fhaisnéis eile a ndéantar a chur i láthair sna ráitis sin, agus ní thugaim aon deimhniú conclúideach de chineál ar bith ina leith.

Maidir le m'iniúchadh ar na ráitis airgeadais, tá sé de cheanglas orm faoi na ISAnna an fhaisnéis eile a chuirtear i láthair a léamh agus lena linn sin a bhreithniú cibé an bhfuil an fhaisnéis eile ag teacht go hábhartha leis na ráitis airgeadais nó le heolas a fuarthas le linn an iniúchta nó sin an léir go bhfuil míráiteas ábhartha i gceist. Má shocraím, bunaithe ar an obair atá déanta agam, go bhfuil míráiteas ábhartha i gceist san fhaisnéis eile seo, éilítear orm tuairisciú ina leith sin.

An Oifig Náisiúnta um Fhorbairt Eacnamaíoch agus Shóisialta (NESDO)
 Ráiteas maidir le hIoncam agus Caiteachas agus Cúlchistí Ioncaim Coinnithe
 Don bhliain dar chríoch an 31 Nollaig 2022

Ioncam	Nótaí	2022 €	2021 €
Deontas Oireachtais	2	2,128,808	1,973,391
Ioncam Eile	3	98,945	99,973
Ioncam Iomlán		2,227,753	2,073,364
Caiteachas			
Costais Foirne	4	1,488,944	1,450,423
Sainchomhairleoireacht		76,839	78,435
Priontáil agus Foilseacháin		5,086	7,453
Taisteal agus Cothabháil	6	8,263	-
Comhdhála agus Seimineáir		50,375	26,395
Oiliúint		15,105	9,058
Postas, Tacsaithe & Cúirírí		483	694
Seirbhísí Leabharlainne		14,204	16,424
Riarachán		508	662
Táillí Gairmiúla		5,100	5,289
Táille Iniúchóireachta		10,000	10,000
Teileafón		7,900	5,572
Stáiseanóireacht		5,592	2,261
Costais IT agus Láithreáin Gréasáin		79,585	52,325
Cíos & Muirir Sheirbhíse		381,280	376,841
gnóthachan ar shócmhainní seasta a dhiúscairt		-	(80)
Dímheas	7	13,484	7,905
Caiteachas Iomlán		2,162,748	2,049,657
Barrachas/(Easnamh) don bliain roimh Leithreasuithe		65,005	23,707
Aistriú ón/(chuig an) gCuntas Caipitil	11	(17,570)	(2,650)
Barrachas/(Easnamh) don bliain tar éis Leithreasuithe Iarmhéid amhail an 1 Eanáir		47,435	21,057
		124,229	103,172
Iarmhéid amhail an 31 Nollaig		171,664	124,229

Áirítear na gnóthachain agus cailteanas go léir a aithníodh sa bhliain sa Ráiteas maidir le hIoncam agus Caiteachas agus Cúlchistí Ioncaim Coinnithe.

Is cuid de na Ráitis Airgeadais seo iad an Ráiteas maidir le Sreabhadh Airgid ar leathanach 12 agus na nótaí ar leathanach 13 go dtí leathanach 18.

Sínithe ag: 

John Callinan

Cathaoirleach an Bhoird

Dáta: 21 Meán Fómhair 2023

Sínithe ag: 

Larry O'Connell

Príomhoifigeach

Dáta: 21 Meán Fómhair 2023

An Oifig Náisiúnta um Fhorbairt Eacnamaíoch agus Shóisialta (NESDO)


Ráiteas maidir leis an Staid Airgeadais

Amhail an 31 Nollaig 2022

	Nótaí	2022	2021
		€	€
Sócmhainní Seasta			
Maoín, Gléasra agus Trealamh	7	39,995	22,425
Sócmhainní Reatha			
Infháltais	8	22,505	22,822
Airgead Tirim agus Coibhéisí Airgid Thirim	10	201,070	180,121
		<u>223,575</u>	<u>202,943</u>
Dlíteanais Reatha – (Méideanna a bheidh dlite laistigh de bhliain amháin)	9	(51,912)	(78,715)
Glan-Sócmhainní Reatha		<u>171,663</u>	<u>124,228</u>
Glansócmhainní Iomlána		<u>211,658</u>	<u>146,653</u>
A Ionadaíonn do			
Cuntas Caipitil	11	39,994	22,424
Cúlchistí Coinnithe		171,664	124,229
		<u>211,658</u>	<u>146,653</u>

Áirítear na gnóthachain agus cailteanais go léir a aithníodh sa bhliain sa Ráiteas maidir le hIoncam agus Caiteachas agus Cúlchistí Ioncaim Coinnithe.

Is cuid de na Ráitis Airgeadais seo iad an Ráiteas maidir le Sreabhadh Airgid ar leathanach 12 agus na nótaí ar leathanach 13 go dtí leathanach 18.

Sínithe ag: 
John Callinan
Cathaoirleach an Bhoird

Dáta: 21 Meán Fómhair 2023

Sínithe ag: 
Larry O'Connell
Príomhoifigeach

Dáta: 21 Meán Fómhair 2023

An Oifig Náisiúnta um Fhorbairt Eacnamaíoch agus Shóisialta (NESDO)

Ráiteas maidir le Sreabhadh Airgid

Don bhliain dar chríoch an 31 Nollaig 2022

	Nótaí	2022 €	2021 €
Glan-sreabhadh airgid ó Ghníomhaíochtaí Oibriúcháin			
Barrachas / (Easnamh) don bhliain		47,435	21,057
Dímheas		13,484	7,905
Brabús ar dhiúscairt (Laghdú) ar infháltais		317	(80)
Laghdú/Méadú ar shuimeanna iníoctha		(26,803)	13,505
Aistriú chuig an/(ón) gcuntas caipitil		17,570	2,650
Ús bainc faighte			(5)
Glan-Insreabhadh Airgid ó Ghníomhaíochtaí Oibriúcháin		52,003	45,035
Sreabhadh airgid ó Ghníomhaíochtaí Infheistíochta			
Íocaíocht chun maoin, fearas & trealamh a fháil	7	(31,054)	(11,278)
Glan-Sreabhadh Airgid ó Ghníomhaíochtaí Infheistíochta		(31,054)	(11,278)
Sreabhadh Airgid ó Ghníomhaíochtaí Airgeadais			
Ús bainc faighte		-	5
Fáltais ó shócmhainní seasta a dhíol		-	803
Glan-Sreabhadh Airgid ó Ghníomhaíochtaí Airgeadais		-	808
Glanmhéadú ar Airgead Tirim agus Coibhéis Airgid Thirim		20,949	34,565
Airgead tirim agus coibhéisí airgid thirim amhail an 1 Eanáir		180,121	145,556
Airgead tirim agus Coibhéisí Airgid Thirim amhail an 31 Nollaig	10	201,070	180,121

Áirítear na gnóthachain agus cailteanas go léir a aithníodh sa bhliain sa Ráiteas maidir le hIoncam agus Caiteachas agus Cúlchistí Ioncaim Coinnithe.

Is cuid de na Ráitis Airgeadais seo iad an Ráiteas maidir le Sreabhadh Airgid ar leathanach 12 agus na nótaí ar leathanach 13 go dtí leathanach 18.

Sínithe ag: 

John Callinan

Cathaoirleach an Bhoird

Dáta: 21 Meán Fómhair 2023

Sínithe ag: 

Larry O'Connell

Príomhoifigeach

Dáta: 21 Meán Fómhair 2023

An Oifig Náisiúnta um Fhorbairt Eacnamaíoch agus Shóisialta (NESDO)

Nótaí leis na Ráitis Airgeadais

Don Bhliain dar Chríoch an 31 Nollaig 2022

1 Ráiteas ar Pholsaithe Cuntasaíochta

Polasaithe Cuntasaíochta

Leagtar amach thíos an bonn cuntasaíochta agus na polasaithe cuntasaíochta suntasacha a ghlac NESDO. Cuireadh i bhfeidhm go seasta iad i rith na bliana agus sa bhliain roimhe sin.

Eolas Ginearálta

Cuireadh NESDO ar bun faoin Acht um an Oifig Náisiúnta d'Fhorbairt Eacnamaíoch agus Shóisialach, 2006, agus tá ceannoifig aige ag 16 Cearnóg Parnell, Baile Átha Cliath 1.

Is mar seo a leanas príomhchuspóir NESDO, de réir mar a leagtar amach in Alt 8 den Acht um an Oifig Náisiúnta d'Fhorbairt Eacnamaíoch agus Shóisialach, 2006:

Comhairle a thabhairt don Taoiseach maidir le gach saincheist beartais straitéiseach a bhaineann le forbairt eacnamaíoch agus shóisialach sa Stát.

Is Eintiteas Leasa Poiblí é NESDO.

Ráiteas maidir le Comhlíonadh

Ullmhaíodh ráitis airgeadais NESDO don bhliain dar chríoch an 31 Nollaig 2022 de réir FRS 102, an caighdeán tuairiscithe airgeadais atá infheidhme sa RA agus in Éirinn arna eisiúint ag an gComhairle Tuairiscithe Airgeadais.

Bonn Ullmhúcháin

Ullmhaíodh na ráitis airgeadais de réir an choinbhinsiúin costais stairiúil, ach amháin i gcás sócmhainní agus dliteanas áirithe a thomhaistear de réir luachanna cothroma mar a mhínítear sna polasaithe cuntasaíochta thíos. Tá na Ráitis Airgeadais sa bhfoirm atá ceadaithe ag an Taoiseach le toiliú an Aire sa Roinn Caiteachais Phoiblí, Sheachadadh PFN agus Athchóirithe faoin Acht um an Oifig Náisiúnta d'Fhorbairt Eacnamaíoch agus Shóisialach, 2006. Cuireadh na polasaithe cuntasaíochta seo a leanas i bhfeidhm go leanúnach i gcásanna inar déileáladh le nithe a mheastar a bheith ábhartha i ndáil le Ráitis Airgeadais NESDO.

Na Coimisinéirí Ioncaim

Deontas Oireachtais

Aithnítear deontas a fuarthas ó Roinn an Taoisigh sna Ráitis Airgeadais ar bhonn fáltais airgid thirim.

Ioncam Eile

Tá NESD i mbun tionscadail taighde a fhaigheann tacaíocht ó mhaoiníú ón Roinn Comhshaoil, Aeráide agus Cumarsáide. Aithnítear an t-ioncam seo nuair a shonrasctar é.

Téann NESDO i mbun tionscadail chómhaoinithe le heagrais eile a d'fhéadfadh leanúint ar aghaidh níos faide ná bliain. Aithnítear an t-airgead seo ar bhonn fáltais airgid thirim.

An Oifig Náisiúnta um Fhorbairt Eacnamaíoch agus Shóisialta (NESDO)

Nótaí leis na Ráitis Airgeadais

Don Bhliain dar Chríoch an 31 Nollaig 2022

Airgeadraí Eachtracha

Taifeadtar idirbheartaíochtaí in airgeadraí seachas an euro ag na rátaí atá i bhfeidhm ar dháta na n-idirbheartaíochtaí nó ar dháta ar conradh. Aistrítear sócmhainní agus dliteanais go euro ar dháta an chláir chomhardaithe nó ar dháta ar conradh. Déileáiltear le difríochtaí malairte sa Ráiteas Ioncaim agus sa Chuntas Caiteachais.

Maoin, Gléasra agus Trealamh

Luaitear maoin, gléasra agus trealamh ar chostas lúide dímheas carntha, atá coigeartaithe maidir le haon soláthar do laige. Cuirtear dímheas ar fáil maidir le gach maoin, gléasra agus trealamh, seachas talamh ruilse agus obair ealaíne, ag rátaí a mheastar chun an costas lúide luach iarmharach measta gach sócmhainne a dhíscríobh ar bhonn líne díri thar a saolré fhóinteach mheasta mar seo a leanas:

(i)	Troscán:	10 bliain
(ii)	Trealamh:	5 bliain

Léiríonn luach iarmharach an tsuim mheasta a gheofaí ó shócmhainne a dhiúscairt, i ndiaidh costais mheasta na diúscairthe a asbhaint, dá mbeadh an tsócmhainn ag an aois agus sa riocht a bheifí ag súil leis ag deireadh a saolré úsáideach cheana féin.

Má tá fianaise oibiachtúil ann i dtaobh laige i luach sócmhainne, aithnítear cailteanas laige sa Ráiteas maidir le hIoncam agus Caiteachas agus sna Cúlchistí Ioncaim Coinnithe sa bhliain.

Sochair d'Fhostaithe

Sochair Ghearrthéarmacha

Aithnítear sochair gearrthéarmacha, mar saoire le pá mar chostas sa bhliain, agus áirítear sochair a thabhaítear ag deireadh na bliana sa bhfigiúr 'Suimeanna Iníochta' sa Ráiteas maidir le Staid Airgeadais.

Sochair Scoir

Le ceadú ó Roinn an Taoisigh agus ón Roinn Caiteachais Phoiblí, Sheachadadh PFN agus Athchóirithe, rinne gach ball foirne ball den scéim pinsin d'Fhostaithe Stáit Neamhbhunaithe díobh féin faoin mbliain 2015. Is scéim neamh-ranníocaíochta í seo do phinsean scoir agus sochair chnapshuime an oifigigh féin. Tá ranníocaíochtaí iníochta i leith na Scéime Céilí agus Leanaí. Íocann NESDO na ranníocaíochtaí seo chuig an Roinn Caiteachais Phoiblí, Sheachadadh PFN agus Athchóirithe. Dá réir sin, níl aon dliteanas ar NESDO i leith socrúithe aoisliúntais na mball foirne seo. Tá Scéim Pinsean NESDO á bunú faoi láthair ag NESDO de réir Acht Pinsean na Seirbhísí Poiblí 2012 I.R. 582 a chuirfear faoi bhráid na Roinne Caiteachais Phoiblí, Sheachadadh PFN agus Athchóirithe lena ceadú in 2023.

Oibríonn NESDO an Scéim Pinsin Seirbhísí Poiblí Aonair ("Scéim Aonair"), ar scéim sochair shainithe í do sheirbhísigh poiblí inphinsin a ceapadh an 1 Eanáir 2013 nó ina dhiaidh sin. Íoctar ranníocaíochtaí chomhaltá na Scéime Singil leis an Roinn Caiteachais Phoiblí, Sheachadadh PFN agus Athchóirithe (DPNPR).

Le linn 2022, tugadh roinnt ball foirne ar iasacht do NESDO ó Ranna eile. Bhí na baill foirne seo cumhdaithe ag na scéimeanna aoisliúntais atá i bhfeidhm ina Roinn féin faoi seach. Chúitigh NESDO na Ranna i leith tuarastail, ÁSPC an fhostóra agus aoisliúntas na mball áirithe foirne. Fabhraíodh aisíocaíochtaí ar bhonn míosúil agus íocadh iad i leith an Ráitis Ioncaim agus Caiteachais agus Cúlchiste Coimeádta Ioncaim. Is é an Roinn ábhartha atá freagrach as párolla agus aoisliúntas na mball foirne atá ar iasacht ag NESDO.

Breithiúnais Agus Meastacháin Chriticiúla Chuntasaíochta

D'fhonn na ráitis airgeadais a ullmhú ní mór don bhainistíocht breithiúnais, meastacháin agus boinn tuisceana a dhéanamh a mbíonn tionchar acu ar na suimeanna a thuairiscítear i ndáil le sócmhainní agus dliteanais amhail dháta an chláir chomhardaithe agus ar na suimeanna a thuairiscítear i ndáil le hioncam agus le caiteachas i gcaitheamh na bliana. Is é nádúr na meastachán, áfach, go bhféadfadh na torthaí iarbhrí a bheith éagsúil ó na meastacháin sin. Is iad na breithiúnais seo a leanas is mó a raibh tionchar acu ar na suimeanna a aithnítear sna Ráitis Airgeadais.

An Oifig Náisiúnta um Fhorbairt Eacnamaíoch agus Shóisialta (NESDO)

Nótaí leis na Ráitis Airgeadais

Don Bhliain dar Chríoch an 31 Nollaig 2022

Dímheas agus Luachanna Iarmharacha

Tá athbhreithniú déanta ag an bPríomhoifigeach ar shaolré sócmhainní agus ar luachanna iarmharacha gach aicme sócmhainne seasta agus go háirithe saolré eacnamaíoch fhóinteach agus luachanna iarmharacha daingneán agus feistí agus cinneadh go bhfuil saolré sócmhainní agus luachanna iarmharacha iomchuí.

2	<u>Íostarraingt Ioncaim Deontais Oireachtais</u>	2022	2021
		€	€
	Íostarraingt Ioncaim Deontais Oireachtais ¹	<u>2,128,808</u>	<u>1,973,391</u>

¹ Foinse Ioncaim – Leithdháileadh ó Fho-mhírcheann Vóta 2 Roinn an Taoisigh A3 do NESDO. Mar chomh-chomhlacht NESDO (de réir mar a leagtar amach san Acht um an Oifig Náisiúnta a d'Fhorbairt Eacnamaíoch agus Shóisialach, 2006), íocann NESDO as caiteachas NESC.

3	<u>Ioncam Eile</u>	2022	2021
		€	€
	Ioncam Tionscadail ²	98,945	99,968
	Ús Bainc	-	5
		<u>98,945</u>	<u>99,973</u>

² Fuarthas an tsuim €98,945 ón Roinn Comhshaoil, Aeráide agus Cumarsáide in 2022.

4	<u>Costais Foirne</u>	2022	2021
		€	€
	Tuarastail agus Pinsin	1,356,291	1,327,433
	Costais Leasa Shóisialaigh	<u>132,653</u>	<u>122,990</u>
		<u>1,488,944</u>	<u>1,450,423</u>

Ba é meánlíon na bhfostaithe agus leithdháileadh ECF le linn na bliana: 18 18

Aisbhaineadh €75,736 san iomlán (2021: €67,331) de thobhach pinsin ó bhaill foirne a íocadh le Roinn an Taoisigh. Fuair Príomhoifigeach NESDO, atá ina Stiúrthóir NESC freisin, €157,530 (2021: €143,872) mar luach saothair i ndáil lena ról mar Stiúrthóir NESC don bhliain dar chríoch an 31 Nollaig 2022. Ní bhfuair an Príomhoifigeach luach saothair, díolaíocht ná costais bhreise i ndáil lena ról mar Phríomhoifigeach NESDO. Mar Stiúrthóir NESC, fuair sé €1,830 in 2022 (2021: Náid) i ndáil le taisteal oifigiúil agus cothabháil

de réir Chiorclán 07/2009 na Roinne Airgeadais.

Bhí beirt bhall foirne ar iasacht ó Roinn an Taoisigh, ball foirne amháin ón Roinn Sláinte agus ball foirne amháin ón Roinn Gnóthaí Eachtracha.

Áirítear le Tuarastail agus Pinsin Pá Saoire fabhraithe €28,159 (2021 – €31,601).

An Oifig Náisiúnta um Fhorbairt Eacnamaíoch agus Shóisialta (NESDO)

Nótaí leis na Ráitis Airgeadais

Don Bhliain dar Chríoch an 31 Nollaig 2022

5	<u>Sochair Scoir</u>	2022	2021
		€	€
Áirítear i dtuarastail agus pinsin i nóta 4 an méid seo a leanas:			
	Ranníocaíochtaí fostaithe leis an Scéim Pinsean Seirbhíse Poiblí Aonair i leith foirne	6,535	4,417
	Ranníocaíochtaí fostaithe le Roinn an Taoisigh i ndáil le baill foirne	30,126	28,234
		<u>36,661</u>	<u>32,651</u>

6	<u>Taisteal & Cothabháil</u>	2022	2021
		€	€
	Taisteal agus Cothabháil ³	8,263	-
		<u>8,263</u>	<u>-</u>

3. Lena n-áirítear costais a aisíoc le comhaltaí Chomhairle NESC a bhaineann le freastal ar chruinnithe den Chomhairle.

7	<u>Maoin, Gléasra agus Trealamh</u>	Trealamh	Troscán	Iomlán
		€	€	€
<u>Costas</u>				
	Iarmhéid amhail an 1 Eanáir 2022	259,408	174,371	433,779
	Suimeanna Breise	31,054	-	31,054
	Diúscairtí	(14,044)	(7,343)	(21,387)
	Iarmhéid amhail an 31 Nollaig 2022	<u>276,418</u>	<u>167,028</u>	<u>443,446</u>
<u>Dímheas</u>				
	Iarmhéid amhail an 1 Eanáir 2022	241,734	169,620	411,354
	Muirear don bhliain	12,828	656	13,484
	Diúscairtí	(14,044)	(7,343)	(21,387)
	Iarmhéid amhail an 31 Nollaig 2022	<u>240,518</u>	<u>162,933</u>	<u>403,451</u>
<u>Glanluach de réir na Leabhar</u>				
	Amhail Dé Máirt 31 Nollaig 2022	<u>35,900</u>	<u>4,095</u>	<u>39,995</u>
	Amhail Dé Máirt 31 Nollaig 2021	<u>17,674</u>	<u>4,751</u>	<u>22,425</u>

An Oifig Náisiúnta um Fhorbairt Eacnamaíoch agus Shóisialta (NESDO)

Nótaí leis na Ráitís Airgeadais

Don Bhliain dar Chríoch an 31 Nollaig 2022

8 <u>Suimeanna Infhaighte</u>	2022	2021
	€	€
Réamhíocaíochtaí	22,505	22,822
	<u>22,505</u>	<u>22,822</u>

9 <u>Suimeanna Iníoctha</u>	2022	2021
	€	€
Creidiúnaithe trádála	3,081	24,524
Cánacha agus costais shóisialta	1,432	817
Fabhruithe	47,399	53,374
	<u>51,912</u>	<u>78,715</u>

10 <u>Airgead Tirim agus Coibhéisí Airgid Thirim</u>	2022	2021
	€	€
Cuntais Reatha	41,686	38,329
Cuntas reatha	158,990	141,722
Airgead ar láimh	394	70
	<u>201,070</u>	<u>180,121</u>

11 <u>Cuntas Caipitil</u>	2022	2021
	€	€
Iarmhéideanna amhail an 1 Eanáir	22,424	19,774
<i>Aistriú chuig Ioncam agus Caiteachas</i>		
Ioncam a úsáideadh chun Sócmhainní Seasta a cheannach	31,054	11,278
Amúchadh i gcomhréir le dímeas	(13,484)	(7,905)
Scaoilte ar shócmhainní seasta a dhiúscairt	-	(723)
	<u>17,570</u>	<u>2,650</u>
Iarmhéid amhail an 31 Nollaig	<u>39,994</u>	<u>22,424</u>

An Oifig Náisiúnta um Fhorbairt Eacnamaíoch agus Shóisialta (NESDO)

Nótaí leis na Ráitis Airgeadais

Don Bhliain dar Chríoch an 31 Nollaig 2022

12 Áitreabh ina lonnaitear NESDO

Tá NESDO lonnaithe in áitreabh amháin atá suite ag 16 Cearnóg Parnell, Baile Átha Cliath 1. Tógann NESDO an t-áitreabh seo ar cíós ar

bhonn bliantúil ó Oifig na nOibreacha Poiblí agus níl sé ceangailte le léas. Íocadh cíós € 322,329 agus muirir sheirbhíse €58,951 i ndáil leis an mbliain 2022.

13 Nochtuithe Páirtithe Gaolmhara

Ghlac comhaltaí Boird NESDO nósanna imeachta i gcomhréir le treoirlínte arna n-eisiúint ag an Roinn Caiteachais Phoiblí Sheachadadh PFN agus Athchóirithe maidir le nochtadh leasanna ó chomhaltaí den Bhord agus cloíodh leis na nósanna imeachta sin i rith na bliana. Deimhním nach raibh aon idirbheart i gceist sa tréimhse maidir le gníomhaíochtaí an Bhoird lena bhain aon leas tairbhíúil leo do chomhaltaí Boird.

Tá Comhairle NESC (comh-chomhlacht NESDO) ina chomhlacht comhairleach amháin gan aon fheidhmeanna feidhmiúcháin agus tá struchtúr ar leith ann lena chinntiú go ndéantar ionadaíocht ar leasanna earnála barrthábhachtacha.

Tá príomhphearsanra bainistíochta in NESDO comhdhéanta den Phríomhfheidhmeannach agus comhaltaí den bhord. Ní bhfuair príomhphearsanra bainistíochta luach saothair, díolaíocht ná costais bhreise i ndáil lena ról in NESDO.

Feidhmíonn NESDO agus NESC araon faoin Acht um an Oifig Náisiúnta d'Fhorbairt Eacnamaíoch agus Shóisialach, 2006, ina bhfuil foráil maidir le leasanna a nochtadh.

14 Na Ráitis Airgeadais a Cheadú

Cheadaigh Bord NESDO na ráitis airgeadais an 21 Meitheamh 2023.

